



Шормо эл, порумлык да рум берр!

52-шо (3284) №,
2016 ий 24 декабрь,
шуматкече.

ЯМДЕ ЛИЙ

1933 ий 1 февраль годсек лектеш.

0+

Толын Йүштө Кугыза, омсам тук-тук пералта!



Таче газет-
нан 2016 ийсе
пытартыш номер-
жым налыда.
У ийште
вашлий.меш!

Ончалза-
ян, редакций-
ышкына мы-
няр шуко
Марий Йүш-
тө Кугыза
унала толын! Верят ок
сите! Кажныжын – шке сыйже,
чиемже, моторлыкшо. Нуно Марий Элнан түрлө кундем-
же гыч улыт. Марий Йүштө Кугыза ден «Ямде лий» газет
редакцийын увертарыме У ий конкурсышко йоча, ача-ава,
тунктышо-влак чулымын ушненят. Нулан молодец улыт!
Кажныдам редакцийыште сертификат вуча.
Паша-влакым Шергур район Кукнур кундемыште илыше
Марий Йүштө Кугыза аклен. Тудак сенгыше-влакым ойырен.
Нунын лўмыштым 2017 ий 7 январьыште лекше «Ямде
лий» газетыште савыктена. (Умбажыже - 7-ше лаштыкыште.)



**Игорь Геннадьевич САДОВИН,
Марий Эл Республикысе культур,
печать да национальность паша
шотышто министерствын пӧлка вуй-
латышыже:**



- Шернур кыдалаш школышто тунем-
мем годым У ий пайремлан икмыняр гана
мушкетёр лийынам. Ты костюмым ышташ
нимыняр йӧсӧ огыл. Шляпа – картон гыч,
портышкем шулышым картон дене
кугемдет да ботфортыш савырет!
Шпагыжлан арамам кычал муаш
кӱлын, шӱмжым эрыкетет, а
кылже олмеш консерве атым
пӱчкат. Пинчак ден йолашым
тӱрлӧ семын кельштаренам. Теат, йоча-
влак, кевытыште налме олмеш, шке
кидда дене ыштен ончыза!
**Чыладам У ий дене саламлем да
тыге тыланем: сайын тунемза,
спорт дене кылым кучы-
за, вет тудо тазалыклан
полша. Чолга лийза!**

Вашке
У ий шуэш.
Окса деч
посна могай
пайрем?!
Сандене
школыш-
тына поро
кумылым
ончыктышо
ярмингам
эртарышна. Тудым «Мастар-влакын
олашт» манын лӱмдышна. Йоча-влак
ужалымашке тӱрлӧ сатум лукты-
ныт: компотым, когыльым, шке
ыштыме кидшолым, ӱплан резин-
кам, марла календарьым да молы-
мат. Ача-ава-влакат толыныт. Тиде
кечын ме шагал огыл оксам погыш-
на. Ынде У ий пайремым сай кумыл
дене эртараш шонена.

**Кристина БЫКОВА,
Куженер, Конганур.**



**Чеверын,
Маймыл
идалык!**

❄ Ача-авалан-
да суртышто чыла
вере арулыкым
ышташ полшыман.
Пудыргышо, шаланы-
ше арверым луктын кудал-
тыман. Арам огыл итальянец-влак
У ий йӱдым кӱлдымӧ арверым
окна гыч луктын кышкат.

❄ У ий деч ончыч чумыр
парымым пӧртылтыман. Йолташет
дене сыренат гын, сӧрасыман.



У ийым вучена

У ий – уло калыкын пай-
ремже. Эн ондак тудым
школышто вашлийына.
Йӱштӧ Кугызалан почела-
мутым ойлена, мурым
мурена, кож йыр пӧрды-
на, модына. А тудо мылан-
на пӧлекым кучыкта.

Кокымшо гана У ийым
мӧнгыштӧ еш дене чумыр-
ген вашлийына.

Виктория АЛЕКСЕЕВА.

Мыят У ийым чот вучем.
Тунам йоча-влак тӱрлӧ костюм
дене пайремышке толыт. Шинчат
шарла. Чыланат чот тыршат.
Иктыже весыж деч моторрак
лийнеже. Мыят авай дене костю-
мым ямдыленна. Пайрем годым
чот весела. У ий пеленже теле-
каникулым конда.

Екатерина РАССАНОВА.

Мый Йӱштӧ Кугызалан да
Лумӱдырлан серышым возenam.
Могай пӧлекым налнем, йгытыран
гына сералтен шынденам. У ийым
чон вургыж вучем. Эсогыл кечым
шотлем.

**Маша ДМИТРИЕВА,
2-шо «А» класс.**

Морко, Коркатово.

Марий тиште кече



Школышто

Марий тиште кечылан пӧле-
кчалтше пайремым эртарышна.
Тушко 14-ше №-ан гимназий да 21-ше
№-ан школ гыч тунемше ден туныктышо-
влак унала толыч (**снимкыште**). Пайремыште
йоча-влак муреныт, куштеныт гын, туныкты-
шо-влак С.Г.Чавайнын «Ото» почеламутшым
тӱрлӧ йылме дене каласкаленыт. Тиде мероприя-
тийым Марий телевиденийын «Шонанпыл» да
«Вести Марий Эл» передачылаштыже ончыктеныт.

Н.Н.КУДРЯШОВА,

марий кугыжаныш йылмым туныктышо.
Йошкар-Ола, 1-ше №-ан школ.

Б.В.АПАКАЕВ Морко район Унчо ялеш шочын-кушкын. Верысе школым тунем пытарен. МарГТУ-што (кызыт ПГТУ) «Радиосвязь радиовещания и телевидения» специальностьым налын. Марий кугыжаныш университетыште вуйлатыме кадрым профессионально ямдылыме шотышто кугыжаныш программе почеш тунемын. 2015 ийыште «Управление малым и средним бизнесом» дипломым налын. Ачаже Валерий Апакаев марий лудшылан поэт семын палыме.



У ийыште – у сомыл, у вий



«Мастар Мари» фирмын визитный картыкыжым ончала-ян. Кок түрлө чöгыт, отвёртко да уровень дене могай онай пöртым «чонен» шындыме!

Кöргыштыжö изи строитель-влак койыт. Тиде фирме Морко посёлкышто верланен. Айста тудын вуйлатышыже **Борис Валерьянович АПАКАЕВ** деч фирмын пашаж нерген каласкалалаш йодына.

- Сүрет гыч шуктымо пашана нерген тогдаяш неле огыл. Тиде чонгым да монтаж паша. Проект почеш, негызым пыштыме гыч тўналын, леведыш йымаке шындымеш, ен-влаклан пöртым чонаш полшена. Пластик окнам, омсам шындына. Олтым да вўдым пуртым оборудований, котёл-влакым верандена, вет кызыт яллаштат газ, вўд олесе семынак пуч дене толыт.

- Тидеч посна эше могай сомылым шуктеда?

- Ме электромонтаж да электричестве дене кылдалтше пашам тўналтыш гычак виктарена. Контрольно-измерительный приборым (КИП) монтироватлена да эскерен, терген, тöрлен шогена. Школлаште, түрлө учрежденийыште видеоэскерымашым пижыктылына. Тыгак оролым да пожар сигнализацийым, кондиционерым шындына.

- У ий ёлкышто могай костюмым чиенда?

- Ачам шуко жап Шенше радиоузельште связистлан пашам ыштен. Сандене ёлкылан ямдылыме ятыр костюмом технике дене кылдалтше лийын. Икмынар гана робот вургемым чиенам. Шарнем, принцат лийынам. Акай-шамыч мом-гынат шонен луктыныт. Костюм дене эре икымше але кокымшо верым наледенам.



Борис Валерьянович Апакаев - Морко погынымашын депутатше. Районысо Поро кумылым ончыктышо (благотворительный) фондыв вуйлата. Инвалид-влакын декадышт годым полшымы йодын толшо ик ўдырлан коляскым намиен пуэн. Еñлан полшаш тудо эре ямде.



- Кызыт ялласе шуко пöрт вуйышто ошын волгалтше спутник антенне кеча.

- Спутниковый телевиденийым шындаш шукын йодын толыт. Йодмыштым уло кумылын шуктена. Ачада, авада мемнан компанийын полшыжлан энгертынешт гын, Морко посёлкысо «Магнит» кевытыш миен, айлыме пöлемышкына пурен, йодмашым возен коден кертыт.

- Тендан дене самырык-влак пашам ыштат?

- Шукынжо самырык улыт. Кажныже пашам пала, универсал манам. Кенежым студент-влак практикыш толыт.

- Борис Валерьянович, самырык лудшына-влак кокла гыч ала иктаж-көжö предприниматель лияш шона. Бизнесен могай лийшаш? Ойкагашым пуыза.

- Шке пашатым шонен пыштенат - тудым мучаш марте шукто. Але «тидым ыштем» манынат - мутетым кучо.

- Йоча-влаклан мом тыланада?

- Эн первыак таза лияш, школышто сайын тунемаш. Парт коклаште налме шинчымашым умбакыже илышыште да шке пашаште кучылташ. **Н.СЕМЕНОВА.**

Морко посёлко, Карл Маркс урем, 12 Б пöрт, «Магнит» кевыт, 2-шо пачаш.
Тел.: 89600909733,
89600909755, 89877003848.
Рекламе шотеш.

«Вконтакте» социальный сетьюсе адрес: <https://vk.com/mastarmari>



2017 ий –
Йошкар
Агытанын
идалык-
ше

Ик арня гыч – У ий!

Түрлө пайрем кокла гыч эн вучымыжо – У ий. Тудлан ончылгоч ямдылалтына. Кожым, пөлемым сөрастарена, пайремлык костюмым ургена. Чылажат йомакысе гай! Пөрткөргым арум ыштена. Авай дене пырля шуко түрлө кочкышым ямдылена. Мыйын ковадат пайрем сийым ышта. Уна-влак толыт. Икте-весым саламлена, пөлекым кучыктена.

Ариадна БЕЛЯЕВА,

4-ше класс.

Национальный президент школ-интернат.

Эльвира ТЕРЕНТЬЕВА,
«Кугарня» газетын журналистше:

- Марий Купто школыштем (Марий Турек район) У ий пайремлан икана классысе 11 үдыр чыланат Русская красавица лийынна. Авана-влак сарафаным урген пуэныт, а кокошникым шке ыштена. 9-ше классыште тунеммем годым ёлкышто Лумүдыр лияш үшаненыт. Вара Марий Турек кыдалаш школышто педклассыште тунемынам. Тунам У ий деч ончыч педпрактике ыле. Ме шукынжо тунгалтыш класслаште тунуктенна. Тыге мылам изирак класслаште тунемше-влакын У ий пайремыштышт Вуверкува лияш перныш. Ончыктем шүйшө парнге гыч ыштыме шерым сакенам ыле.



Сценарий почеш тиде шерым пайремыште шкем удан кучышылан пөлеклем манын лүдыктылынам. Тачат шарнем: Вуверкувам ужын, икмыняр изи йоча шортын. Эсогыл ик тунуктышат лүдын.



Э.А.Терентьевам Марий Эл Республикын сулло журналистше лүмым тений налмыш дене шокшын саламлена!

Огай



Владимир областыште Петушки ола уло. Тудын гербыштыже кок шөртн-бө агытаным сүретлыме. Тиде олаштак 1997 ийыште Агытан художественный тоштерым почмо. Тыгай музей тунямбалнат икте веле.

Молан Петю маныт?

Эрден эрак помыжалтын, Петюкем мурал колта. Тудын йүкшө шергылталын, Уло ялым помыжалта. Авадат, йүкеш пожалтын, Ушкалнам лүшташ кая. Вот могае сай будильник Уло туням кынетла.

Молан агытаным Петю маныт? Мыйын агытанемын лүмжб - Микале.

Анастасия МИХАЙЛОВА.
Морко, Шүргыял.

Агытан



мотор,
ушан, икел
й ö р а -
тыше да
ш к а л а н
акым палы-
ше. Эрвелне
Агытаным
ешын оза-
ж л а н
шотлат: эр эрдене кынелеш,
чыла терга да кид йымалны-
же куча. Сандене илыш
дене төр ошкылаш
тыршыман.

Сылнымут аршашым пөлекленыт



Авторын фотожо.

Йошкар-Оласе йочадашлате марий йылмым тунемше нбогавлак почеламутым сылнын лудмо мастарлыкыштым тергенит. Тагасымашым Марий тиште кечылан пөлекленыт. Конкурсышко вич йочадад ушнен. Юля Ямбаева (11-ше йочадад), Матвей Бахтин ден Таисия Егорова (13-шо йочадад), Алина Юнусова ден Илья Пряшкин (21-ше йочадад), Таня Глушкова ден Полина Сидорова (61-ше йочадад), Ирина Аристова ден Максим Шишкин (32-шо йочадад) диплом да пөлек дене палемдалтыныт. Нуным снимкыште ужыда.

Л.ГРИГОРЬЕВА.

Кож кузе кушкей?

У ий пайрем кож деч посна огеш эрте. Кажне еш пөртешыже, пачерешыже тиде пушенгым шогалта. Икте пазарыште налеш, весе чодырашке ошкылеш. Икманаш, пайрем годым шуко кож пыта.

Кож росота ик ийыште 3-4 сантиметр кушкеш, 15 ий жапыште кажне ийын – 10-15 см. Лач 15 ийым темемеке, кож писын кушкаш тўналеш. 1,5 метр кўкшытан лиймешкыже, 10 ий наре вучыман.

2017 ий Российыште Экологий ий семын увертаралтеш. Садлан, йоча-влак, у идалыкым поро паша дене вашлийза. Ача-аваланда кожым чодыраште ида руыкто.

В.СМИРНОВ
ямдылен.

Вашке У ий толын шуэш. Мойгыштына йытыра кожым шогалтена. Чодыра гыч руал кондымым огыл, а кевытыште чалмым. Пёрткўргыжат сўрастарена.

Ангелина ОГНЕВА.
Морко, Коркатово.



Людмила Ивановна КОШКИНА, Марий тўвыра рўдерын специалистше:

- Йоча годсо У ий мылам йомакла чучын. Уремыште – йырваш лум, школ кўргыштў кож пуш, залыште сылнын сўрастарыме кож, Йўштў Кугыза. Чылан нўлтшў кумылан, тўрлў костюман улыт. Изиракем годым лум пырче, вара эре Лумўдыр лийынам. Ёлко пайремлан кажне ийын пырдыжгазетым луктынна. Мый 1-ше верымат налыннам ыле. Эше кажныланна кагаз пакетеш кампеткым пуэныт. Куанже мыняре лийын! Кызытат йоча-влаклан ёлко пайремым ямдылена. Шкежат йочаш савыренн, тунамше йомак тўняш пўртылам. **Шушаш У ий дене, ўдыр-рвезе-влак! Таза лйза, кугешныза марий улмыда дене!**



Агытан ийын символжо – тул. Тудым шекланен кучылташ гын, илышыште чыла сай лиеш.

Тул гай Агытан його-влакым ок йўрате. Пашам йўратыше-влаклан идалык мучко йўным ышта.

Тимур Петровын аваже Анна Витальевна Агытан идалыклан келшыше онай агытаным ыштен. Тиде модышым йочасадыште кожышко сакалена. Теат ыштен ончыза.

Н.ГОДУНОВА.

Йошкар-Ола, 80-ше №-ан йочасад.



Пушкыдо модыш

Конкурсш 50 наре фотом колтенда. Кажнылан изи пўлекым кучыктена. Сенгышыш Йошкар-Оласе 68-ше номеран йочасадыш коштшо Кирилл ПЕТРОВ лектын.

Кок ияш Антон Никифоров Морко посёлкысо 1-ше №-ан йочасадыш коштеш.

Изи Онтон мый улам, йочасадышке коштам. Ачам маскам пўлеклен, Пеш вашке поктен шунем. **И.АЛЕКСЕЕВАН** фотожо.


Конкурсш пурышо паша



2-шо номеран Морко школын тунемшыже Даша ДЕКИНА. Фотом еш альбом гыч налме.



2-шо №-ан Шернур школын тунемшыже Артём БОГАТЫРЁВ. Фотом еш альбом гыч налме.



Эрвина Геннадьевна ГОРДЕЕВА, Марий Эл Республикысе йоча да самырык-влаклан театр-рүдерын режиссёр-постановщикше:

– Йоча годсо У ий пайремым куанен шарналтем. Тушто эре поро шұлыш оза-ланен. Йоча-влак юзо вийлан, Йүштө Кугызалан ұшаненна, пөлеклан йывыртенна. Пайремлан лұмын костюмым ямды-лен огынал, мотор тувыр дене серлагенна.

Самырык тукумлан, ум пален налын, ончыко пентгыдын онкылаш тыланем. Ёшаным нигунам ида йомдаре. Волгыдо шонымашан лийза!

Э.Г.Гордеевам Олык Ипай лұмеш премийын лауреатше лұмым сулен налме дене шокшын саламлена!

Кожым руаш ок лий!

Марий Эл Республикысе чодыра да сонарзе озан-лык министерствын пашаенже-влак законым аралыше-шамыч дене пырля У ий деч ончыч чодырам чот оролаш тўналыт.

Закон деч посна кожым руымылан штрафым тўлыклат: тыглай еглан (ача-аваланда) – 3-4 тўжем тенге, вуйлатышы-лан (мутлан, школ дирек-торлан) – 20 гыч 40 тўжем тенге марте, юридический лицалан (организаций, учреждений да т.м.) – 200 гыч 300 тўжем тенге марте. Тылеч посна чодыра фондлан энгекым ышты-мылан браконьер 1-2 тўжем тенгем луктын пыштышаш, пўртүс памятниклан шот-лалтше чоды-раш те руымы-лан 3-5 тўжем тенгем тўлык-тат.

Йоча-влак, ача-аваланда шижтарыза: разрешений деч посна кожым ынышт ру. Кожым пазарлаште налаш лиеш, Йошкар-Олаште 12 вере кож да пўнчө-влакым ужалат.

МЧС шижтара

- ✓ Ёлкыда м пентгыде «йолышко» шыңдыза. Кож лўнгалтшаш огыл. Эн сай – ошман ведрашке шындаш.
- ✓ Ёлко йымалне ниногоай шартыш (палас, ковёр) лийшаш огыл.
- ✓ Ёлко гыч йогышо имым тунамак поген налза, вет изи тулойып логалеш гынат, пожар ылыж кертеш.
- ✓ Электрогирляндым заводышто ыштен лукмым гына сақыза.
- ✓ Мўнгыда гыч кайымыда, пўртеш йоча-влак гына кодмо годым электрогир-ляндым ида чўктө.



Школ пакчаште



Йоча-влак пўртүс ваш-талтмым эскераш пеш йўратат. Телым пушенге укш-влакын лум йымалан пызырналтмыштым ужын, мот-коч чаманеныт.

М.В.ИВАНОВА, воспитатель. Морко, Волаксола.

Идалыкын тўн тўсиө – йошкарге. Тудо куатым, ике вийлан ұшанымым, пиалым ончыкта. Агытан йылгыжше-вильгыжше тўсым тора гычак ужеш. Сандене пайремым вашлияш чеве тўсан вургемым чийыза але волгыдо йошкар тўсан сбрастарыме ўзгарым пижыктыза.




1. Ий паңга.
2. Йүштө
3. Йошкар онан кайык.
4. Кугу йүштө.
5. Лумйолва.
6. Марий Йүштө Кугызан илыме верже.
7. Телын поян-лыкше.
8. Февраль тылзе марла.
9. Теле йолчием.
10. Мунчалтыме ўзгар.
11. Шўйыш пўтырымө шовыч.

Максим ГОРИНОВ. Куженер, Ёштымбал.




К Р О С С В О Р Д



Чеверын, Кино идалык!

Россий Президент В.В.Путинын указше почеш 2016 ий Кино идалык семын увертаралтын. Марий Элысе оргкомитетым республик вуйлатышын икымше алмаштышыже, культур, печать да национальность паша шотышто министр М.З.Васютин вуйлатен. Идалык мучко кино дене кылдалтше пеш шуко онгай мероприятий лийын.

28 декабрьште Йошкар-Оласе В.И.Ленин лумеш тўвыра полатыште Кино идалык пытым палемдат. Тушко толшо уна-влаклан «Кино идалык - Марий Элыште» фотовыставкым темлат, тудым Республикысе аудиовизуальный документаций кугыжаныш архив ямдылен.



Лумгече

Националь-ный президент школ-интернатын директоржо, «Ямде лий» газетнан ончычсо юнкоржо, поэт



Лидия

Геннадьевна ИКСАНОВАМ

чапле лумгечыж дене саламлена! Ёмырда йоча-влак коклаште эрта, тугеже эн пиалан улыда. Шочмо калыкнан пўрымашыже верч чон вургыжын иледа, тудын ончыкылыкшо верч тыршеда, тунемшыда-влакым марий шўлышаным куштеда - вийда ситыже. Таза, кужу ёмыран лийза! «Ямде лий» газет редакций.



Йоча-влак У ий пайремлан йочасадышкына Йўштö Кугыза ден Лумўдырын толмыштым пеш чот вучат. Куанен ямдылалтыт: мурым, куштымашым тунемыт, пöлемым сöрастарат. Тиде сöраллыкым Ваня (снимкыште) коваж дене пырля ыштен. Ончалза, могай сылне теле пўртүс!

И.СЕМЕНОВА.

Медведево, Новый.

- Тендан дене, йоча-влак, таче чеверласем. Кайымым деч ончык редакцийын йодмыж почеш йомак конкурсым иктешлен кодем. Школ рюкзакыште кийыше арверда-влак нерген пееш шуко йомакым колтенда. Чыла лудын лекмек, тыгай пунчалым луктым: «Эн огай йомаклан Морко район Энгерсола школын тунемшыже Ксения БУТЕНИНАН «Изи Ленукын тетрадьше» йомакшым шотлаш. Сенгышылан «Югорно» книгаг кучыкташ».

МАЙМЫЛ, 2016 ийын озаже.

Йўштö Кугыза-влакым ыштыше кидмастар-влакын лўмышт:

Мария Полушина, Иван Шалаев, Кирилл Моисеев (Йошкар-Ола, 7-ше №-ан школ), Юлия Анисимова, Настя Иванова, Марина Потехина (Морко, Коркатово), Р.В.Короткова (Волжский, Пöтъял), Арслан Смирнов (Медведево, Руэм), Диляра Габдрахманова, Алёна Лежнина, Сергей Лебедев, Виктор Шендюк, Яна Каменщикова, Ксения Созонова, Дарья Петухова, Галина Акулова, Дима Варсегов, Артём Александров, Антон Соловьёв (2-шо №-ан Шернур школ), Родион Небогатиков, Евгений Соловьёв, 6-шо классын тунемшыже-влак (У Торъял, Токтарсола), Даниил Алексеев (6-шо №-ан Морко школ), Шернур район Мустай школ гыч 2-шо класс, Ермолаевмыт еш (Советский посёлко), Емеловмыт еш, Кирилл Закиров (Советский, Ургаш), Катя Якимова (Йошкар-Ола, «Радуга» йоча клуб), Кира Ямбаршева (Шернур, Кукнур), Диана ден Настя Ахтямовамыт (Татарстан, Муслюм, Марий Пöлер), Анна ден Артур Ерослановмыт (У Торъял школ).

Индекс: Марий Элыште - 78574, вес кундемлаште - 52713. Тираж 1150 экз. Заказ 3180. Формат - А-4-8. Директор-тўн редактор Л.В.СЕМЕНОВА.

E-mail: yamde_lii@mari-el.ru, yamde_lii@mail.ru. Сайтын адресше: yamde-lii.ru, Тел. 45-25-49(факс); 45-22-82.

УЧРЕДИТЕЛЬ-ВЛАК: Марий Эл Республикысе культур, печать да национальность паша шотышто министерстве, "Ямде лий" газет" кугыжаныш унитарный казенный предприятий.

Газетым Массовый коммуникаций сферыште да культур наследийым аралымаште законодательством шуктен шогымым эскерыше Федеральный службын Приволжский федеральный округысyo управленийыштыже регистрироватлыме. Номер - ПИ №ФС 18-1999, 2005 ий 10 февральыште пуымо.

0+

Печатьыш пуымо жап - 14-00, фактически - 13-00. Ак - кутырен келшыме почеш.

Авторын да редакцийын шонмашыш тўрлö лийын кертыт. Серыш-влак мöнгеш огыт колталт.

Газетым редакцийыште погымо да верстатлыме, «СТРИНГ» ИПФ ООО-што ямде оригинал-макет гыч савыктыме. Типографийын адресше: 424006, Йошкар-Ола, Строитель урем, 95.

Редакцийын да издательын адресше: 424006, Йошкар-Ола, СССР Вооружённый Вийын 70-ше идалыкше урем, 20.

«Ямде лий» дене кылым кучо,
Шуматкече еда вучо!
Лийже лишыл йолташет,
Нӧлталалтше кумылет!



Ямде лий

2017

Ф.ЛЕБЕДЕВАН сӱретше.

Январь		Февраль		Март		Апрель		Май		Июнь	
шм	2 9 16 23 30	6 13 20 27	6 13 20 27	3 10 17 24	1 8 17 22 29	5 12 19 26	шм	шм	1 8 17 22 29	5 12 19 26	шм
кш	3 10 17 24 31	7 14 21 28	7 14 21 28	4 11 18 25	2 9 16 23 30	6 13 20 27	кш	кш	2 9 16 23 30	6 13 20 27	кш
вр	4 11 18 25	1 8 15 22	1 8 15 22 29	5 12 19 26	3 10 17 24 31	7 14 21 28	вр	вр	3 10 17 24 31	7 14 21 28	вр
из	5 12 19 26	2 9 16 23	2 9 16 23 30	6 13 20 27	4 11 18 25	5 12 19 26	из	из	4 11 18 25	5 12 19 26	из
кг	6 13 20 27	3 10 17 24	3 10 17 24 31	7 14 21 28	5 12 19 26	6 13 20 27	кг	кг	5 12 19 26	6 13 20 27	кг
шм	7 14 21 28	4 11 18 25	4 11 18 25	1 8 15 22 29	3 10 17 24	4 11 18 25	шм	шм	6 13 20 27	7 14 21 28	шм
рш	1 8 15 22 29	5 12 19 26	5 12 19 26	2 9 16 23 30	4 11 18 25	5 12 19 26	рш	рш	7 14 21 28	8 15 22 29	рш

Июль		Август		Сентябрь		Октябрь		Ноябрь		Декабрь	
шм	3 10 17 24 31	7 14 21 28	4 11 18 23	2 9 14 23 30	6 13 20 27	4 11 18 25	шм	шм	1 8 15 22 29	5 12 19 26	шм
кш	4 11 18 25	1 8 15 22 29	5 12 19 26	3 10 17 24 31	7 14 21 28	6 13 20 27	кш	кш	2 9 16 23 30	6 13 20 27	кш
вр	5 12 19 26	2 9 16 23 30	6 13 20 27	4 11 18 25	1 8 15 22 29	7 14 21 28	вр	вр	3 10 17 24	7 14 21 28	вр
из	6 13 20 27	3 10 17 24 31	7 14 21 28	5 12 19 26	2 9 16 23 30	8 15 22 29	из	из	4 11 18 25	8 15 22 29	из
кг	7 14 21 28	4 11 18 25	8 15 22 29	6 13 20 27	3 10 17 24	9 16 23 30	кг	кг	5 12 19 26	9 16 23 30	кг
шм	1 8 15 22 29	5 12 19 26	1 8 15 22 29	7 14 21 28	4 11 18 25	10 17 24	шм	шм	6 13 20 27	10 17 24 31	шм
рш	2 9 16 23 30	6 13 20 27	2 9 16 23 30	8 15 22 29	5 12 19 26	11 18 25	рш	рш	7 14 21 28	11 18 25 31	рш